

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-986/11
Sarajevo, 28.07.2011. godine

Z A P I S N I K
**4. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 28. jula 2011. godine**

Sjednica je počela u 10.40.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, predsjednika Federacije BiH Živka Budimira, potpredsjednika Federacije Mirsada Kebu, zamjenika premijera Jerku Ivankovića-Lijanovića, ministre u Vladi Federacije BiH, predstavnike nevladinih organizacija, predstavnike akreditiranih medijskih kuća koji prate rad sjednice i goste.

Izostanak sa sjednice opravdali su Edina Papo, Amel Hadžiabdić i Vlatko Zrilić.

Na osnovu evidencije Stručne službe, predsjedavajuća je konstatovala da sjednici prisustvuje 45 delegata, što čini većinu, te Dom naroda može raditi i punovažno odlučivati.

Nakon toga predsjedavajuća je dala na glasanje Zapisnik 3. sjednice Doma naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, bez primjedbi (36 glasova za, sedam uzdržanih glasova i jedan glas protiv), usvojio Zapisnik 3. sjednice Doma naroda Parlamenta Federacije BiH, održane 18.07.2011. godine.

Predsjedavajuća je podsjetila delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

Delegatska pitanja i inicijative

Elvira Abdić-Jelenović izrazila je nezadovoljstvo što nije dobila odgovor na pitanje koje je postavila na 1. sjednici Doma naroda i traži dostavu odgovora na ovo pitanje. Postavila je pitanje Vladi Federacije - koliko su i koja preduzeća naplatila prijeratna potraživanja u drugim državama i kakav je bio status tih preduzeća u trenutku naplate ovih potraživanja u smislu vlasništva nad tim preduzećima, a kakav je danas. Podnijela je pitanje u pisanoj formi.

Radoje Vidović izrazio je nezadovoljstvo što nije dobio odgovor na pitanje koje se odnosi na imenovanje članova upravnih i nadzornih odbora koje je Vlada izvršila u protekla četiri mjeseca.

Predrag Kojović pokrenuo je inicijativu za dopunu člana 163. Krivičnog zakona Federacije BiH kojom bi se propisala kazna zatvora od jedne do pet godina za javno poricanje ili negiranje krivičnih djela genocida, ratnih zločina ili zločina protiv čovječnosti za koje postoje pravomoćne presude međunarodnih i domaćih sudova. Predložio je da se Dom naroda izjasni o ovoj inicijativi.

Amir Zukić pokrenuo je inicijativu da Vlada Federacije osigura potrebna sredstva za izgradnju katoličke crkve u naselju Grbavica, Novo Sarajevo.

Mira Ljubijankić prokomentarisala je odgovor koji se odnosi na zastupljenost konstitutivnih naroda u organima, službama, uredima, upravama, zavodima i direkcijama u Federaciji. Izrazila je nezadovoljstvo procentom zaposlenika iz reda srpskog naroda u ovim institucijama, te je, ispred Kluba delegata srpskog naroda, zatražila popravljjanje ovog stanja do kraja 2011. godine.

Dževad Rađo podržao je inicijativu koju je pokrenuo Predrag Kojović i pozvao Dom naroda da isto učini.

Josip Perić osvrnuo se na pisanje "Večernjeg lista" nakon sjednice na kojoj je Dom naroda usvojio Prijedlog Zakona o izmjenama i dopuna Zakona o federalnim ministarstvima i drugim tijelima federalne uprave. Istakao je da je tim članom oklevetan i sa tim u vezi zatražio je pravnu pomoć. Također, zatražio je da mu se dostave podaci o vlasništvu nad "Večernjim listom" i njegovim zaposlenicima te koliko je doprinosa uplatio ovaj list u Bosni i Hercegovini. Pokrenuo je inicijativu da Federalna televizija prenosi sjednice domova Parlamenta Federacije zatraživši podršku u domovima.

Sretko Radišić postavio je pitanje - zašto u Zakonu o izbjeglim i raseljenim licima nije ozakonjen status povratnika iz Republike Srpske u Federaciju BiH kao što je to učinjeno sa statusom povratnika iz Federacije BiH u Republiku Srpsku, tj. da se status povratnika zadržava i nakon šest mjeseci od dana povratka.

Zahid Bašić postavio je dva pitanja Federalnom ministarstvu prometa i komunikacija koji se odnose na radove na magistralnoj cesti Sarajevo - Tuzla - Orašje.

Prvo se odnosi na završetak radova na petlji Šićki Brod.

Drugo pitanje se odnosi na nastavak radova na dionici puta Olovo – Kladanj, tj. Na prijevoju Karaula i kada će biti završeni radovi Asfaltogradnje na ovoj dionici.

Almedin Aliefendić postavio je pitanje JP Autoceste Federacije BiH. Uпитao je kada će biti stavljen u funkciju naplatne kućice u Podlugovima, Visokom i Kaknju i da li je planiran višetarifni sistem naplate kako bi građani Bosne i Hercegovine bili u povlaštenijem položaju u odnosu na strance.

Hanka Vajzović postavila je pitanje Vladi Federacije - koliko je zaposlenih državnih službenika i namještenika u Vladi Federacije, njenim ministarstvima, tijelima, službama, uredima, upravama, institucijama, zavodima, direkcijama, agencijama u organima uprave i samostalnim upravnim organizacijama u Federaciji koji su osnovani posebnim zakonom ili kojim je posebnim zakonom povjereno obavljanje javnih ovlaštenja.

Zoran Jovanović pokrenuo je inicijativu za dopunu pravilnika o sadržaju i formi finansijskih izvještaja pravnih lica sa dubinskom analizom svih rashoda, tj. da se detaljnije prikažu rashodi po stavkama.

Nakon toga prešlo se na glasanje o inicijativi koju je pokrenuo Predrag Kojović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 41 glasom za i uz šest uzdržanih glasova, prihvatio sljedeću:

INICIJATIVU

za dopunu člana 163. Krivičnog zakona Federacije BiH („Službene novine Federacije BiH“, br. 36/03, 37/03, 21/04, 69/04, 18/05 i 42/10)

Dom naroda Parlamenta Federacije BiH zadužuje Federalno ministarstvo pravde da razmotri inicijativu i pripremi dopunu člana 163.

Krivičnog zakona Federacije BiH tako što bi se javno poricanje ili opravdavanje genocida, zločina protiv čovječnosti ili ratnih zločina utvrđenih pravomoćnim presudama međunarodnih i domaćih sudova kažnjavalo kaznom zatvora od jedne do pet godina.

Nakon postavljenih delegatskih pitanja i pokrenutih inicijativa prešlo se na utvrđivanje dnevnog reda.

Predsjedavajuća je obavijestila delegate da je Vlada Federacije dostavila Prijedlog Izmjena i dopuna Budžeta Federacije BiH za 2011. godinu i Prijedlog Zakona o izmjenama i dopunama Zakona o izvršavanju Budžeta Federacije BiH za 2011. godinu sa prijedlogom da se razmatraju po hitnom postupku.

Predsjedavajuća je, također, obavijestila delegate da je Vlada Federacije dostavila Prijedlog Zakona o izmjenama i dopunama Zakona o mikrokreditnim organizacijama sa prijedlogom da se razmatra po hitnom postupku. Budući da je Predstavnički dom Zakon razmatrao u formi nacрта, Kolegij Doma naroda je predložio da i Dom naroda razmatra ovaj zakon u formi nacрта, što su delegati prihvatili.

Na osnovu rezultata glasanja, predsjedavajuća je konstatovala da je:

- sa 38 glasova za, uz tri glasa protiv i uz pet uzdržanih glasova, Dom naroda Parlamenta Federacije BiH prihvatio da se Prijedlog Izmjena i dopuna Budžeta Federacije BiH za 2011. godinu razmatra po hitnom postupku;
- sa 36 glasova za, uz tri glasa protiv i uz četiri uzdržana glasa, Dom naroda Parlamenta Federacije BiH prihvatio da se Prijedlog Zakona o izmjenama i dopunama Zakona o izvršavanju Budžeta Federacije BiH za 2011. godinu razmatra po hitnom postupku.

Predsjedavajuća je obavijestila delegate da je Vlada Federacije dostavila Prijedlog Zakona o izmjenama i dopunama Zakona o zaštiti osoba sa duševnim smetnjama, Prijedlog Zakona o matičnoj evidenciji o osiguranicima, obveznicima uplate doprinosa i korisnicima prava iz penzijskog i invalidskog osiguranja, Prijedlog Zakona o Finansijsko-informatičkoj agenciji i Prijedlog Zakona o izmjenama Zakona o sistemu poboljšanja kvaliteta, sigurnosti i o akreditaciji u zdravstvu sa prijedlogom da se razmatraju po skraćenom postupku.

Predsjedavajuća je obavijestila delegate da je Vlada Federacije dostavila Prijedlog Zakona o izmjenama i dopunama Zakona o prodaji stanova na kojima postoji stanarsko pravo sa prijedlogom da se razmatra po skraćenom postupku. Budući da je Predstavnički dom ovaj zakon

razmatrao u formi nacrt, Kolegij Doma naroda je predložio da i Dom naroda razmatra ovaj zakon u formi nacrt, što su delegati prihvatili.

Potom su se delegati izjašnjavali o razmatranju dostavljenih prijedloga zakona po skraćenom postupku.

Na osnovu rezultata glasanja, predsjedavajuća je konstatovala da je:

- sa 38 glasova za, uz jedan glas protiv i uz četiri uzdržana glasa, Dom naroda Parlamenta Federacije BiH prihvatio da se Prijedlog Zakona o izmjenama i dopunama Zakona o zaštiti osoba sa duševnim smetnjama razmatra po skraćenom postupku;
- sa 40 glasova za, uz jedan glas protiv i uz četiri uzdržana glasa, Dom naroda Parlamenta Federacije BiH prihvatio je da se Prijedlog Zakona o matičnoj evidenciji o osiguranicima, obveznicima uplate doprinosa i korisnicima prava iz penzijskog i invalidskog osiguranja razmatra po skraćenom postupku;
- sa 36 glasova za, uz četiri glasa protiv i uz šest uzdržanih glasova, Dom naroda Parlamenta Federacije BiH prihvatio je da se Prijedlog Zakona o Finansijsko-informatičkoj agenciji razmatra po skraćenom postupku;
- sa 33 glasa za, uz osam glasova protiv i uz osam uzdržanih glasova, Dom naroda Parlamenta Federacije BiH prihvatio je da se Prijedlog Zakona o izmjenama i dopunama Zakona o federalnim ministarstvima i drugim tijelima federalne uprave razmatra po skraćenom postupku;
- sa 37 glasova za, uz dva glasa protiv i uz sedam uzdržanih glasova, Dom naroda Parlamenta Federacije BiH prihvatio je da se Prijedlog Zakona o izmjenama Zakona o sistemu poboljšanja kvaliteta, sigurnosti i o akreditaciji u zdravstvu razmatra po skraćenom postupku.

Kolegij Doma naroda predložio je dopunu dnevnog reda i to da se kao 15. tačka razmatra Prijedlog Odluke o prihvaćanju kredita Unicredit Bank Austria AG za finansiranje Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje i Prijedlog Odluke o zaključivanju Supsidijarnog kreditnog sporazuma između Bosne i Hercegovine i Federacije BiH za kredit Unicredit Bank Austria AG za finansiranje Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje.

Vesna Nemeć-Klisura je tekođer zatražila da se u dnevni red uvrsti i Prijedlog Odluke u vezi sa finansiranjem Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Goražde.

U vezi sa ovim prijedlozima otvorila se rasprava u kojoj su učestvovali: federalni ministar finansija Ante Krajina, Mustafa Kurtović, Mijo Matanović, Radoje Vidović i Vesna Nemic-Klisura.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 43 glasa za i uz dva uzdržana glasa, uvrstio Prijedlog Odluke o prihvaćanju kredita Unicredit Bank Austria AG za finansiranje Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje i Prijedlog Odluke o zaključivanju Supsidijarnog kreditnog sporazuma između Bosne i Hercegovine i Federacije BiH za kredit Unicredit Bank Austria AG za finansiranje Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje u dnevni red.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 37 glasova za i uz pet uzdržanih glasova, u dnevni red uvrstio Prijedlog Odluke u vezi sa finansiranjem Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Goražde.

Predsjedavajuća je dnevni red dala na glasanje.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 37 glasova za i uz pet uzdržanih glasova, usvojio sljedeći:

D N E V N I R E D

1. Prijedlog Izmjena i dopuna Budžeta Federacije BiH za 2011. godinu – hitni postupak,
 - Prijedlog prvih izmjena i dopuna Finansijskog plana Federalnog zavoda za zapošljavanje za 2011. godinu,
 - Prijedlog drugih izmjena i dopuna Finansijskog plana Federalnog zavoda za zapošljavanje za 2011. godinu,
2. Prijedlog Zakona o izmjenama i dopunama Zakona o izvršavanju Budžeta Federacije BiH za 2011. godinu – hitni postupak,
3. Prijedlog Zakona o izmjenama i dopunama Zakona o zaštiti osoba sa duševnim smetnjama – skraćeni postupak,
4. Prijedlog Zakona o matičnoj evidenciji o osiguranicima, obveznicima uplate doprinosa i korisnicima prava iz penzijskog i invalidskog osiguranja – skraćeni postupak,
5. Prijedlog Zakona o Finansijsko-informatičkoj agenciji – skraćeni postupak,
6. Prijedlog Zakona o izmjenama Zakona o sistemu poboljšanja kvaliteta, sigurnosti i o akreditaciji u zdravstvu – skraćeni postupak,

7. Nacrt Zakona o izmjenama i dopunama Zakona o mikro kreditnim organizacijama,
8. Nacrt Zakona o izmjenama i dopunama Zakona o prodaji stanova na kojima postoji stanarsko pravo,
9. Nacrt Zakona o stomatološkoj djelatnosti,
10. Nacrt Zakona o evidencijama u oblasti zdravstva,
11. Prijedlog Odluke o pristupanju izradi Regulacionog plana historijskog gradskog područja Blagaj za period od 2011. do 2021. godine,
12. Prijedlog Odluke o usvajanju Urbanističke osnove Regulacionog plana historijskog gradskog područja Počitelj za period od 2008. do 2018. godine,
13. a) Prijedlog Odluke o prihvaćanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta jačanja zdravstvenog sektora (HSEP) – dodatno finansiranje,
 - b) Sporazum o finansiranju (dodatno finansiranje za Projekt jačanja zdravstvenog sektora) između Bosne i Hercegovine i Međunarodne asocijacije za razvoj,
 - c) Projektni Sporazum (dodatno finansiranje za Projekt jačanja zdravstvenog sektora) između Međunarodne asocijacije za razvoj i Federacije BiH,
 - d) Projektni Dokument za dodatno finansiranje za predloženi kredit,
 - e) Usaglašeni Zapisnik sa pregovora između Bosne i Hercegovine (BiH) i Međunarodne asocijacije za razvoj (IDA) - dodatno finansiranje Projekta jačanje zdravstvenog sektora,
 - f) Informacija o kreditu Svjetske banke – Međunarodne asocijacije za razvoj (IDA) za Projekt jačanja zdravstvenog sektora (Health Sector Enhancement Project – HSEP) – dodatno finansiranje,
14. - Prijedlog Odluke o prihvaćanju zaduženja po Sporazumu o zajmu između Bosne i Hercegovine i Saudijskog fonda za razvoj za realizaciju Projekta glavne gradske magistrale u Zenici,
 - Sporazum o zajmu između Bosne i Hercegovine i Saudijskog fonda za razvoj za Projekt glavne gradske magistrale u Zenici,
 - Informacija o kreditu Saudijskog fonda za razvoj za Projekt glavne gradske magistrale u Zenici,
15. Prijedlog Odluke o prihvaćanju kredita Unicredit Bank Austria AG za finansiranje Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje i Prijedlog Odluke o zaključivanju Supsidijarnog kreditnog sporazuma između Bosne i Hercegovine i Federacije BiH za kredit Unicredit Bank Austria AG za finansiranje Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje,
16. Prijedlog Odluke u vezi sa finansiranjem Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Goražde,

17. Prijedlog Odluke o izmjeni i dopuni Odluke o osnivanju i imenovanju članova Vijeća nacionalnih manjina Federacije BiH (predlagač: komisije za ljudska prava i slobode oba doma Parlamenta Federacije BiH),
18. Prijedlog Strategije za izjednačavanje mogućnosti za osobe sa invaliditetom u Federaciji BiH 2011.- 2015. godina.

Presjedavajuća je predložila da se o prve dvije tačke vodi zajednička rasprava, što su delegati prihvatili.

- 1. Prijedlog Izmjena i dopuna Budžeta Federacije BiH za 2011. godinu**
 - **Prijedlog prvih izmjena i dopuna Finansijskog plana Federalnog zavoda za zapošljavanje za 2011. godinu**
 - **Prijedlog drugih izmjena i dopuna Finansijskog plana Federalnog zavoda za zapošljavanje za 2011. godinu**
- 2. Prijedlog Zakona o izmjenama i dopunama Zakona o izvršavanju Budžeta Federacije BiH za 2011. godinu**

Prijedloge ovih akata utvrdila je Vlada Federacije.

Predstavnički dom je na 4. sjednici od 26.07.2011. godine usvojio Prijedlog Izmjena i dopuna Budžeta Federacije BiH za 2011. godinu sa tri amandmana koji je Vlada Federacije podnijela na sjednici Predstavničkog doma, pa su postali sastavni dio Prijedloga Izmjena i dopuna budžeta.

Također, Predstavnički dom je na 4. sjednici od 26.07.2011. usvojio Prijedlog prvih izmjena i dopuna Finansijskog plana Federalnog zavoda za zapošljavanje za 2011. godinu i Prijedlog drugih izmjena i dopuna Finansijskog plana Federalnog zavoda za zapošljavanje za 2011. godinu u tekstu kako ih je predložila Vlada Federacije.

Predstavnički dom je na 4. sjednici od 26.07.2011. godine usvojio Prijedlog Zakona o izmjenama i dopunama Zakona o izvršavanju Budžeta Federacije BiH za 2011. godinu u tekstu kako ga je predložila Vlada Federacije.

Amandmani Vlade Federacije na Prijedlog Izmjena i dopuna Budžeta Federacije BiH za 2011. godinu glase:

Amandman I

U članu 3. Prijedloga Izmjena i dopuna Budžeta Federacije BiH za 2011. godinu u Razdijelu 10 - Parlament Federacije BiH, u Glavi 1002 - Predstavnički dom Parlamenta Federacije BiH - vrše se sljedeće izmjene:

U ekonomskom kodu 613100 - Putni troškovi broj „51.017“ zamjenjuje se brojem „101.017“.

U ekonomskom kodu 613600 - Unajmljivanje imovine, opreme i nematerijalne imovine broj „46.189“ zamjenjuje se brojem „66.189“.

U ekonomskom kodu 613700 - Izdaci za tekuće održavanje broj „18.799“ zamjenjuje se brojem „33.799“.

U ekonomskom kodu 613900 - Ugovorene usluge broj „891.985“ zamjenjuje se brojem „1.191.985“.

Amandman II

U članu 3. Prijedloga Izmjena i dopuna Budžeta Federacije BiH za 2011. godinu u Razdijelu 52 - Federalno ministarstvo kulture i sporta, u Glavi 5201 - Federalno ministarstvo kulture i sporta, u ekonomskom kodu 614100 - Tekući transferi drugim nivoima vlasti - Transfer za kulturu od značaja za Federaciju broj „1.020.000“ zamjenjuje se brojem „1.320.000“.

U članu 3. Prijedloga Izmjena i dopuna Budžeta Federacije BiH za 2011. godinu u Razdijelu 12 - Vlada Federacije BiH, u Glavi 1201 - Vlada Federacije BiH u ekonomskom kodu 600000 - Tekuća rezerva Vlade Federacije broj „4.000.000“ zamjenjuje se brojem „3.315.000“.

Amandman III

U članu 3. Prijedloga Izmjena i dopuna Budžeta Federacije BiH za 2011. godinu u Razdijelu 52 - Federalno ministarstvo kulture i sporta, u Glavi 5201 - Federalno ministarstvo kulture i sporta vrši se preraspodjela na sljedećim pozicijama u ekonomskom kodu 615 300 kako sljedi:

- 615 300 - Kapitalni transferi neprofitnim organizacijama - Transfer za obnovu Franjevačkog samostana u Kraljevoj Sutjesci broj „450.000“ zamjenjuje se brojem „315.000“;
- 615 300 - Kapitalni transferi neprofitnim organizacijama - Transfer za obnovu Franjevačkog samostana Plehan Derвента broj „450.000“ zamjenjuje se brojem „315.000“;
- 615 300 - Kapitalni transferi neprofitnim organizacijama – Marija Majka Crkve – Katedrala Mostar, rekonstrukcija broj „180.000“ zamjenjuje se brojem „315.000“;
- 615 300 - Kapitalni transferi neprofitnim organizacijama – Crkva Sveti Ivan Krstitelj, Rodoč, izgradnja, broj „180.000“ zamjenjuje se brojem „315.000“.

Prijedloge ovih akata razmatrala su nadležna radna tijela i dostavila izvještaje.

Na Prijedlog Izmjena i dopuna Budžeta Federacije BiH za 2011. godinu amandmane su podnijeli:

- Vesna Nemeć-Klisura, Mustafa Kurtović i Daliborka Milović zajednički su podnijeli amandman koji se odnosi na Razdijel 16 ekonomski kod 614 100;
- Mijo Matanović podnio je amandman koji se odnosi na Razdijel 16 ekonomski kod 614 100;

- Luka Faletar podnio je amandman koji se odnosi na ekonomski kod 615 300;
- Radoje Vidović podnio je dva amandmana koji se odnose na ekonomski kod 614 300 i na ekonomski kod 721111;
- Đuro Prkačin podnio je amandman koji se odnosi na ekonomski kod 615 300;
- Slobodan Tomić podnio je amandman koji se odnosi na ekonomski kod 614 400;
- Ivo Tadić podnio je amandman koji se odnosi na ekonomski kod 615300.

Na Prijedlog Zakona o izmjenama i dopuna Zakona o izvršavanju Budžeta Federacije BiH za 2011. godinu Vesna Nemeć-Klisura, Mustafa Kurtović i Daliborka Milović zajednički su podnijeli amandman koji se odnosi na dodavanje novog stava 2. u članu 7. Prijedloga Zakona.

Prijedlog Izmjena i dopuna Budžeta Federacije BiH za 2011. godinu i Prijedlog Zakona o izmjenama i dopunama Zakona o izvršavanju Budžeta Federacije BiH za 2011. godinu obrazložili su premijer Nermin Nikšić i federalni ministar finansija Ante Krajina, koji je pročitao amandmane koje je Vlada Federacije podnijela na Prijedlog Izmjena i dopuna Budžeta Federacije BiH za 2011. godinu na sjednici Predstavničkog doma i izjavio da Vlada Federacije ne prihvata podnesene amandmane na ove prijedloge.

Salko Selman je, ispred Odbora za ekonomsku i razvojnu politiku, finansije i budžet, izjavio da Odbor podržava Prijedlog Izmjena i dopuna Budžeta i Prijedlog prvih i drugih izmjena i dopuna Finansijskog plana Federalnog zavoda za zapošljavanje. Također je, ispred Odbora, predložio da Vlada Federacije provede 5. i 6. tač. zaključaka koji su usvojeni prilikom usvajanja Budžeta Federacije BiH za 2011. godinu.

Mijo Matanović obrazložio je izvještaj Odbora za povratak prognanih, izbjeglih i raseljenih lica i predložio, ispred Odbora, povećanje sredstava za stvaranje uvjeta za održivi povratak i jačanje Fonda za povratak Bosne i Hercegovine sredstvima kredita međunarodnih organizacija.

U raspravi su učestvovali: predsjednik Kluba delegata hrvatskog naroda Radoje Vidović, Adnan Jupić, Zoran Jovanović, Dževad Rađo, federalni ministar finansija Ante Krajina, Mustafa Kurtović, Huso Obradović, Josip Perić, Senahid Šaković, Elvira Abdić-Jelenović, Mijo Matanović, Hajrudin Bećirović, predsjednica Kluba delegata srpskog naroda Mira Ljubijankić, predsjednik Kluba delegata bošnjačkog naroda Amir Zukić, Salko Selman, Ivo Divković, Ivo Tadić, Vesna Nemeć-Klisura, Damir Čardžić, Aner Žuljević i Mirko Batinić.

Budući da Vlada Federacije nije prihvatila podnesene amandmane, a da podnosioci amandmana nisu odustali od njih, predsjedavajuća ih je dala na glasanje i konstatovala da:

- Dom naroda Parlamenta Federacije BiH **nije usvojio** amandman Vesne Nemec-Klisura, Mustafe Kurtovića i Daliborke Milović, koji se odnosi na Razdjel 16, ekonomski kod 614 100, jer je za glasalo 20 delegata, osam delegata je bilo protiv, a 20 delegata je bilo uzdržano;
- Dom naroda Parlamenta Federacije BiH **nije usvojio** amandman Vesne Nemec-Klisura, Mustafe Kurtovića i Daliborke Milović, koji se odnosi na dodavanje novog stava 2. u članu 7. Prijedloga Zakona o izmjenama i dopuna Zakona o izvršavanju Budžeta Federacije BiH za 2011. godinu, jer je za glasalo 17 delegata, šest delegata je bilo protiv, a 23 delegata su bila uzdržana;
- Dom naroda Parlamenta Federacije BiH **nije usvojio** amandman Mije Matanovića, koji se odnosi na Razdjel 16, ekonomski kod 614 100, jer je za glasalo 15 delegata, 18 delegata je bilo protiv, a 13 delegata je bilo uzdržano;
- Dom naroda Parlamenta Federacije BiH **nije usvojio** amandman Luke Faletara, koji se odnosi na ekonomski kod 615 300, jer je za glasalo 14 delegata, 16 delegata je bilo protiv, a 17 delegata je bilo uzdržano;
- Dom naroda Parlamenta Federacije BiH **nije usvojio** prvi amandman Radoja Vidovića, koji se odnosi na ekonomski kod 614 300 jer je za glasalo 11 delegata, 17 delegata je bilo protiv, a 15 delegata je bilo uzdržano.

Budući da je Radoje Vidović, koga su podržali Ivo Tadić i Đuro Prkačin, izrazio sumnju u rezultate glasanja pristupilo se poimeničnom glasanju koje je obavio Izmir Hadživdić, sekretar Doma naroda.

Na osnovu rezultata poimeničnog glasanja, predsjedavajuća je konstatovala da Dom naroda Parlamenta Federacije BiH **nije usvojio** prvi amandman Radoja Vidovića, jer je za glasalo 13 delegata, 19 delegata je bilo protiv, a 18 delegata je bilo uzdržano.

- Dom naroda Parlamenta Federacije BiH **nije usvojio** drugi amandman Radoja Vidovića, koji se odnosi na ekonomski kod 721111, jer je za glasalo devet delegata, 20 delegata je bilo protiv, a 14 delegata je bilo uzdržano.
- Dom naroda Parlamenta Federacije BiH **nije usvojio** amandman Đure Prkačina, koji se odnosi na ekonomski kod 615 300, jer je za glasalo 13 delegata, 19 delegata je bilo protiv, a 16 delegata je bilo uzdržano;
- Dom naroda Parlamenta Federacije BiH **nije usvojio** amandman Slobodana Tomića, koji se odnosi na ekonomski kod 614 400, jer je za glasalo 14 delegata, 13 delegata je bilo protiv, a 19 delegata je bilo uzdržano.

- Dom naroda Parlamenta Federacije BiH **nije usvojio** amandman Ive Tadića, koji se odnosi na ekonomski kod 615 300, jer je za glasalo 11 delegata, 21 delegat je bio protiv, a 13 delegata je bilo uzdržano.

Budući da je Klub delegata bošnjačkog naroda predložio Zaključke, Amir Zukić ih je, ispred Kluba, pročitao a predsjedavajuća je na osnovu rezultata glasanja konstatovala:

- Dom naroda Parlamenta Federacije BiH je, sa 31 glasom za, uz tri glasa protiv i uz osam uzdržanih glasova, usvojio prvi Zaključak Kluba koji glasi:

ZAKLJUČAK

Zadužuje se Vlada Federacije BiH da prilikom raspodjele sredstava sa Tekućeg granta nižim nivoima vlasti da prioritet Bosanskopodrinjskom kantonu – Goražde, Posavskom kantonu i Kantonu 10 kao izrazito nerazvijenim i ekonomski neodrživim kantonima.

- Dom naroda Parlamenta Federacije BiH **nije usvojio** drugi zaključak Kluba koji se odnosi na izmjene i dopune Zakona o pripadnosti javnih prihoda korigovanjem koeficijenata raspodjele javnih prihoda dobijenih od PDV- a s ciljem poboljšanja boljeg položaja ekonomski neodrživih kantona, jer je za glasalo 26 delegata, četiri delegata su bila protiv, a 11 delegata je bilo uzdržano.
- Dom naroda Parlamenta Federacije BiH **nije usvojio** treći zaključak Kluba koji se odnosi na to da stavka predsjednik i potpredsjednici Federacije budu jedan grant, a da se sredstva zajednički raspodjeljuju, jer je za glasalo 29 delegata, pet delegata je bilo protiv, a sedam delegata je bilo uzdržano.

Kako je Amir Zukić izrazio sumnju u rezultate glasanja, pristupilo se poimeničnom glasanju koje je obavio Izmir Hadžić, sekretar Doma naroda.

Na osnovu rezultata poimeničnog glasanja, predsjedavajuća je konstatovala da Dom naroda Parlamenta Federacije **nije usvojio** treći zaključak Kluba delegata bošnjačkog naroda, jer je za glasalo 29 delegata, 10 delegata je bilo protiv, a tri delegata su bila uzdržana.

Dom naroda Parlamenta Federacije BiH, sa 30 glasova za, uz četiri glasa protiv i uz šest uzdržanih glasova, usvojio je četvrti Zaključak Kluba koji glasi:

ZAKLJUČAK

Zadužuje se Vlada Federacije BiH da u narednim izmjenama i dopunama Budžeta Federacije BiH za 2011. godinu planira sredstva za dovršenje gradnje Srednjoškolskog centra u Travniku kako bi se ispoštovala Odluka Doma za ljudska prava.

Potom se prešlo na glasanje o izmjenama i dopunama Budžeta Federacije BiH za 2011. godinu.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 34 glasa za, uz 12 glasova protiv i uz tri uzdržana glasa, usvojio Prijedlog Izmjena i dopuna Budžeta Federacije BiH za 2011. godinu.

Potom se glasalo o Prijedlogu prvih izmjena i dopuna Finansijskog plana Federalnog zavoda za zapošljavanje za 2011. godinu i Prijedlogu drugih izmjena i dopuna Finansijskog plana Federalnog zavoda za zapošljavanje za 2011. godinu.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 35 glasova za, uz sedam glasova protiv i uz pet uzdržanih glasova, usvojio Prijedlog prvih izmjena i dopuna Finansijskog plana Federalnog zavoda za zapošljavanje za 2011. godinu.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 34 glasa za, uz šest glasova protiv i uz pet uzdržanih glasova, usvojio Prijedlog drugih izmjena i dopuna Finansijskog plana Federalnog zavoda za zapošljavanje za 2011. godinu.

Potom se glasalo o Prijedlogu Zakona o izmjenama i dopunama Zakona o izvršavanju Budžeta Federacije BiH za 2011. godinu.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 32 glasa za, uz devet glasova protiv i uz tri uzdržana glasa, usvojio Prijedlog Zakona o izmjenama i dopunama Zakona o izvršavanju Budžeta Federacije BiH za 2011. godinu.

Budući da je Mustafa Kurtović, ispred Odbora za poljoprivredu, vodoprivredu i šumarstvo, predložio zaključke kojim bi se ispoštovala zakonska obaveza isplate podsticaja za mlijeko i druge podsticaje za IV kvartal 2010. godine koje je iniciralo Udruženje poljoprivrednika Federacije BiH, otvorila se rasprava u kojoj su učestvovali Mustafa Kurtović, Damir Čardžić i Mladen Lonić.

Nakon toga se glasalo o zaključcima Mustafe Kurtovića, predsjednika Odbora za poljoprivredu, vodoprivredu i šumarstvo.

Na osnovu rezultata glasanja, predsjedavajuća je konstatovala da Dom naroda Parlamenta Federacije **nije usvojio** predloženi zaključak Mustafe Kurtovića, predsjednika Odbora za poljoprivredu, vodoprivredu i šumarstvo, jer je za glasalo 25 delegata, četiri delegata su bila protiv, a 11 delegata je bilo uzdržano.

Mustafa Kurtović izrazio je sumnju u rezultate glasanja pa se pristupilo poimeničnom glasanju koje je obavio Izmir Hadžić, sekretar Doma naroda.

Predsjedavajuća je konstatovala da Dom naroda Parlamenta Federacije **nije usvojio** zaključak Mustafe Kurtovića, predsjednika Odbora za poljoprivredu, vodoprivredu i šumarstvo, jer je za glasalo 28 delegata, dva delegata su bila protiv, a devet delegata je bilo uzdržano.

Nakon toga predsjedavajuća je na molbu Rasmira Mesihovića, federalnog ministra zdravstva, zbog njegovih neodgovornih obaveza, predložila da se prvo razmatraju tač. 3., 6., 9. i 10. dnevnog reda, što su delegati **prihvatili** (32 glasa za, tri glasa protiv i jedan uzdržani glas).

3. Prijedlog Zakona o izmjenama i dopunama Zakona o zaštiti osoba sa duševnim smetnjama

Prijedlog Zakona utvrdila je Vlada Federacije.

Predstavnički dom je na 3. sjednici od 14.07.2011. godine usvojio Prijedlog Zakona sa jednim amandmanom Vlade Federacije koji je postao sastavni dio Prijedloga Zakona i dva amandmana koja je Vlada Federacije preuzela kao svoje na sjednici Predstavničkog doma, pa su i oni postali sastavni dio Prijedloga Zakona.

Amandman I

Član 24. Prijedloga Zakona glasi:

„Član 24.

U članu 54. u uvodnoj rečenici riječi: „od 2.000 do 50.000 KM“ zamjenjuju se riječima: „od 5.000,00 do 15.000,00 KM“.

U stavu 1. u tački 2. broj „10“ zamjenjuje se brojem „11“.

U stavu 1. u tački 4. riječi: „biomedicinska istraživanja“ zamjenjuju se riječima: „kliničko ispitivanje lijekova“.

U stavu 2. riječi: „od 400 do 5.000 KM“ zamjenjuju se riječima: „od 500,00 do 3.000,00 KM“.

Amandman II

U članu 11. Prijedloga Zakona o izmjenama i dopunama Zakona o zaštiti osoba sa duševnim smetnjama, koji se odnosi na član 26. osnovnog Zakona, umjesto teksta: „u roku od 48 sati“ treba pisati: „u roku od 72 sata“.

Amandman III

U članu 22. Prijedloga Zakona o izmjenama i dopunama Zakona o zaštiti osoba sa duševnim smetnjama, koji se odnosi na član 46. osnovnog Zakona naveden je tekst: „stezulje, magneti, sobe za izolaciju i slično“ koji se zamjenjuje sljedećim tekstom: „specijalni kaiševi i druga sredstva koja neće dovesti do povrede pacijenta“.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Rusmir Mesihović, federalni ministar zdravstva.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 33 glasa za, uz dva glasa protiv i uz tri uzdržana glasa, usvojio Prijedlog Zakona o izmjenama i dopunama Zakona o zaštiti osoba sa duševnim smetnjama.

6. Prijedlog Zakona o izmjenama Zakona o sistemu poboljšanja kvaliteta, sigurnosti i o akreditaciji u zdravstvu

Prijedlog Zakona utvrdila je Vlada Federacije.

Predstavnički dom je na 3. sjednici od 14.07.2011. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Rusmir Mesihović, federalni ministar zdravstva.

Salko Selman je, ispred Odbora za boračka i invalidska pitanja, rad zdravstvenu i socijalnu zaštitu, izjavio da Odbor podržava Zakon, te je predložio Domu naroda da obaveže resorno ministarstvo da preispita potrebu za izmjenom Zakona o zdravstvenom osiguranju u cilju da se

zdravstvene ustanove obavežu na akreditaciju i certifikaciju u Zakonu o definiranju roba.

U raspravi su učestvovali: Vesna Nemeć-Klisura, Mirko Batinić i Rusmir Mesihović, federalni ministar zdravstva.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 35 glasa za, uz jedan glas protiv i uz tri uzdržana glasa, usvojio Prijedlog Zakona o izmjenama Zakona o sistemu poboljšanja kvaliteta, sigurnosti i o akreditaciji u zdravstvu.

9. Nacrt Zakona o stomatološkoj djelatnosti

Nacrt Zakona utvrdila je Vlada Federacije.

Predstavnički dom je na 3. sjednici od 14.07.2011. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Mijo Matanović je, ispred Komisije za jednakopravnost spolova, pročitao jednu primjedbu na Zakon i to da se u članu 42. na kraju rečenice briše tačka i dodaju riječi: "i Zakona o ravnopravnosti spolova", što je ministar zdravstva prihvatio.

Nacrt Zakona obrazložio je Rusmir Mesihović, federalni ministar zdravstva.

U raspravi su učestvovali Huso Obradović, ministar zdravstva i Senahid Šaković.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 33 glasa za, uz dva glasa protiv i uz tri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o stomatološkoj djelatnosti i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda.

10. Nacrt Zakona o evidencijama u oblasti zdravstva

Nacrt Zakon utvrdila je Vlada Federacije.

Predstavnički dom je na 3. sjednici od 14.07.2011. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je ministar zdravstva.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 35 glasova za, uz dva glasa protiv i uz dva uzdržana glasa, usvojio sljedeći:

ZAKLJUČAK

Dom naroda Parlamenta Federacije BiH prihvata Nacrt Zakona o evidencijama u oblasti zdravstva i smatra da može poslužiti kao osnova za izradu prijedloga Zakona.

4. Prijedlog Zakona o matičnoj evidenciji o osiguranicima, obveznicima uplate doprinosa i korisnicima prava iz penzionog i invalidskog osiguranja

Prijedlog Zakona utvrdila je Vlada Federacije.

Predstavnički dom je na 3. sjednici od 14.07.2011. godine usvojio Prijedlog Zakona uz jednu tehničku ispravku koju je predstavnik Vlade Federacije prihvatio na sjednici Predstavničkog doma, a koja se odnosi na zamjenu mjesta čl. 3. i 4. u Prijedlogu Zakona.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložila je Zehra Novo-Omanović, pomoćnica federalnog ministra rada i socijalne politike.

Mijo Matanović obrazložio je Izvještaj Komisije za jednakopravnost spolova.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 33 glasa za, uz dva glasa protiv i uz tri uzdržana glasa, usvojio Prijedlog Zakona o matičnoj evidenciji o osiguranicima, obveznicima uplate doprinosa i korisnicima prava iz penzionog i invalidskog osiguranja.

5. Prijedlog Zakona o Finansijsko-informatičkoj agenciji

Prijedlog Zakona utvrdila je Vlada Federacije.

Predstavnički dom je na 3. sjednici od 14.07.2011. godine usvojio Prijedlog Zakona sa Amandmanom Vlade Federacije koji je postao sastavni dio Prijedloga Zakona i sedam amandmana koje je predstavnik Vlade Federacije prihvatio na sjednici Predstavničkog doma koji su postali sastavni dio Prijedloga Zakona.

Amandmani glase:

Amandman Vlade Federacije

U članu 2. u stavu 5. na kraju rečenice dodati riječ „Sarajevu“.

Amandmani koje je Vlade Federacije prihvatila

Amandman I

U članu 2. u stavu 8. tekst: „poslovne jedinice Agencije“ se briše, a umjesto njega dodaju se riječi: „organizacija i sjedišta poslovnih jedinica Agencije“.

Amandman II

U članu 4. tačka 4. mijenja se i glasi:

„4. Vodi registre propisane zakonom, a može da uspostavlja i vodi i druge registre za potrebe i po nalogu organa uprave i drugih subjekata“.

Amandman III

U članu 4. tač. 17. i 18. preformuliraju se u novu tačku 17. koja glasi:

„17. obavlja, u skladu sa zakonom, ostale poslove iz svoje djelatnosti za potrebe Vlade, ministarstava, drugih organa uprave i ostalih korisnika“.

Amandman IV

U članu 13. u stavu 1. riječi: „Zakonom o ministarskim, vladinim i drugim imenovanjima („Službene novine Federacije BiH“, br. 12/03 i 34/03)“ brišu se, a dodaju se riječi: „pozitivnim zakonskim propisima“.

Amandman V

U članu 14. u stavu 1. na kraju rečenice briše se tačka i dodaju riječi: „ili na prijedlog Odbora ako se utvrdi nezakonito postupanje“.

Amandman VI

U članu 17. u stavu 2. na kraju prve rečenice briše se tačka i dodaju riječi: „uz prethodnu saglasnost ministra finansija.“

Amandman VII

U članu 17. u stavu 4. nakon riječi „gubitaka“ pisati tačku, a ostali dio rečenice se briše.

Na Prijedlog Zakona o Finansijsko-informatičkoj agenciji amandmane su podnijeli Klub delegata hrvatskog naroda dva amandmana (amandman I na član 2. i amandman II na član 11. Prijedloga zakona); Daliborka Milović jedan amandman na član 2. Prijedloga Zakona. Amandman je podnio i Hajrudin Bećirović i također se odnosi na član 2. Prijedloga Zakona.

Ispred Odbora za ekonomsku i razvojnu politiku, finansije i budžet Salko Selman je podnio amandman koji je istovjetan amandmanu II Kluba delegata hrvatskog naroda.

Prijedlog Zakona obrazložio je Ante Krajina, federalni ministar finansija.

U raspravi su učestvovali: Elvira Abdić-Jelenović, Salko Selman, predsjednik Kluba delegata hrvatskog naroda Radoje Vidović i Hajrudin Bećirović.

Ante Krajina, ministar finansija, izjavio je da prihvaća amandman II Kluba delegata hrvatskog naroda a da ostale amandmane Vlada Federacije ne prihvata.

Prihvaćeni Amandman glasi:

U članu 11. Prijedloga Zakona dodaje se novi stav 3. koji glasi: "Direktor i zamjenik direktora ne mogu biti iz reda istog konstitutivnog naroda".

Dosadašnji stav 3. postaje stav 4.

Hajrudin Bećirović je iz proceduralnih razloga izjavio da odustaje od svog amandmana.

Kako Vlada Federacije nije prihvatila podnesene amandmane, a njihovi podnosioci od njih nisu odustali, predsjedavajuća ih je dala na glasanje i konstatovala sljedeće:

- Dom naroda Parlamenta Federacije BiH **nije usvojio** amandman I Kluba delegata hrvatskog naroda koji se odnosio na član 2. Prijedloga Zakona jer je za glasalo 18 delegata, 11 delegata je bilo protiv, a osam delegata je bilo uzdržano;
- Dom naroda Parlamenta Federacije BiH **nije usvojio** amandman Daliborke Milović, koji se odnosi na član 2. Prijedloga Zakona, jer je za glasalo 13 delegata, 15 delegata je bilo protiv, a sedam delegata je bilo uzdržano.

Potom se prešlo na glasanje o Prijedlogu Zakona o Finansijsko-informatičkoj agenciji.

Na osnovu rezultata glasanja, predsjedavajuća je konstatovala da Dom naroda Parlamenta Federacije **nije usvojio** Prijedlog Zakona o Finansijsko-informatičkoj agenciji jer je za glasalo 29 delegata, tri delegata su bila protiv a četiri delegata su bila uzdržana.

Budući da je bila izražena sumnja u rezultate glasanja, pristupilo se poimeničnom glasanju koje je obavio Izmir Hadživdić, sekretar Doma naroda.

Na osnovu rezultata poimeničnog glasanja, predsjedavajuća je konstatovala da je Doma naroda Parlamenta Federacije, sa 33 glasa za, uz tri glasa protiv i uz četiri uzdržana glasa, usvojio Prijedlog Zakona o Finansijsko-informatičkoj agenciji.

Kako je Prijedlog Zakona usvojen u različitom tekstu u oba doma Parlamenta Federacije BiH **potrebno ga je usaglasiti**.

7. Nacrt Zakona o izmjenama i dopunama Zakona o mikro kreditnim organizacijama

Zakon je u formi prijedloga utvrdila Vlada Federacije.

Predstavnički dom je na 3. sjednici od 14.07.2011. godine odlučio da Zakon razmatra u formi nacrta i Zaključkom ga prihvatio.

Zakon su razmatrala nadležna radna tijela i dostavila izvještaje.

Nacrt Zakona obrazložio je Ante Krajina, ministar finansija.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 35 glasova za, uz tri glasa protiv i uz dva uzdržana glasa, usvojio sljedeći:

ZAKLJUČAK

Dom naroda Parlamenta Federacije BiH prihvata Nacrt Zakona o izmjenama i dopunama Zakona o mikrokreditnim organizacijama i smatra da može poslužiti kao osnova za izradu prijedloga Zakona.

8. Nacrt Zakona o izmjenama i dopunama Zakona o prodaji stanova na kojima postoji stanarsko pravo

Zakon je u formi prijedloga utvrdila Vlada Federacije.

Predstavnički dom je na 2. sjednici od 22.06.2011. godine i 13.7.2011. godine odlučio da Zakon razmatra u formi nacrtu i Zaključkom ga prihvatio.

Zakon su u formi prijedloga razmatrala nadležna radna tijela i dostavila izvještaje.

U raspravi su učestvovali: predsjednik Kluba delegata hrvatskog naroda Radoje Vidović, Elvira Abdić-Jelenović i predsjednik Kluba delegata bošnjačkog naroda Amir Zukić.

Elvira Abdić-Jelenović predložila je zaključak da Vlada Federacije dostavi Domu naroda Parlamenta Federacije sve podatke o broju, strukturi i načinu na koji je izvršena nacionalizacija i konfiskacija stanova koje razmatra ovaj zakon.

Predsjednik Kluba delegata bošnjačkog naroda Amir Zukić složio se sa ovim zaključkom.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 32 glasa za, uz dva glasa protiv i uz tri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o prodaji stanova na kojima postoji stanarsko pravo i smatra da može poslužiti kao osnov za izradu prijedloga Zakona.

2. Zadužuje se predlagač da u periodu od 60 dana organizira javnu raspravu sa svim relevantnim subjektima kao što su vjerske zajednice, udruženja, naučne i stručne institucije i dr. i prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda kao i one iznesene u javnoj raspravi.
3. Zadužuje se Vlada Federacije da Domu naroda Parlamenta Federacije dostavi sve podatke o broju, strukturi i načinu na koji je izvršena nacionalizacija i konfiskacija stanova koje tretira ovaj zakon.

11. Prijedlog Odluke o pristupanju izradi Regulacionog plana historijskog gradskog područja Blagaj za period od 2011. do 2021. godine

Prijedlog Odluke utvrdila je Vlada Federacije i dostavila Parlamentu radi razmatranja i donošenja.

Predstavnički dom je na nastavku 2. Sjednice, odžane 13.7.2011. godine, donio ovu odluku.

Prijedlog Odluke razmatrala su nadležna radna tijela i dostavila izvještaje.

Prijedlog Odluke obrazložio je Desnica Radivojević, federalni ministar prostornog uređenja.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 33 glasa za, uz dva glasa protiv i uz tri uzdržana glasa, donio Odluku o pristupanju izradi Regulacionog plana historijskog gradskog područja Blagaj za period od 2011. do 2021. godine.

12. Prijedlog odluke o usvajanju Urbanističke osnove Regulacionog plana historijskog gradskog područja Počitelj za period od 2008. do 2018. godine

Prijedlog Odluke utvrdila je Vlada Federacije i dostavila Parlamentu radi razmatranja i donošenja.

Predstavnički dom je na nastavku 2. sjednice, odžane 13.7.2011. godine, donio ovu odluku u tekstu predlagača.

Prijedlog Odluke razmatrala su nadležna radna tijela i dostavila izvještaje.

Prijedlog Odluke obrazložio je Desnica Radivojević, federalni ministar prostornog uređenja.

Elvira Abdić-Jelenović je, ispred Odbora za prostorno uređenje, ekologiju i stambeno-komunalne poslove, izjavila da Odbor podržava Prijedlog Odluke o usvajanju Urbanističke osnove Regulacionog plana historijskog gradskog područja Počitelj za period od 2008. do 2018. godine.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 32 glasa za, uz tri glasa protiv i uz tri uzdržana glasa, donio Odluku o usvajanju Urbanističke osnove Regulacionog plana historijskog gradskog područja Počitelj za period od 2008. do 2018. godine.

13. a) **Prijedlog Odluke o prihvaćanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta jačanja zdravstvenog sektora (HSEP) – dodatno finansiranje**
 b) **Sporazum o finansiranju (dodatno finansiranje za Projekt jačanja zdravstvenog sektora) između Bosne i Hercegovine i Međunarodne asocijacije za razvoj**
 c) **Projektni Sporazum (dodatno finansiranje za Projekt jačanja zdravstvenog sektora) između Međunarodne asocijacije za razvoj i Federacije BiH**
 d) **Projektni Dokument za dodatno finansiranje za predloženi kredit**
 e) **Usaglašeni Zapisnik sa pregovora između Bosne i Hercegovine (BiH) i Međunarodne asocijacije za razvoj (IDA) - dodatno finansiranje Projekta jačanja zdravstvenog sektora**
 f) **Informacija o kreditu Svjetske banke – Međunarodne asocijacije za razvoj (IDA) za Projekt jačanja zdravstvenog sektora (Health Sector Enhancement Project – HSEP) – dodatno finansiranje**

Prijedloge odluka utvrdila je Vlada Federacije i dostavila Parlamentu Federacije radi razmatranja i donošenja.

Predstavnički dom je na nastavku 2. sjednice, odžane 13.7.2011. godine, donio ovu odluku u tekstu predlagača.

Prijedloge odluka razmatrala su nadležna radna tijela i dostavila izvještaje.

U raspravi je učestvovao Almedin Aliefendić i predložio da Dom naroda usvoji Zaključak koji je pročitao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 36 glasova za, uz jedan glas protiv i uz jedan uzdržani glas, donio Odluku o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta jačanje zdravstvenog sektora (HSEP) – dodatno finansiranje uz sljedeći:

Z A K L J U Č A K

Zadužuje se Federalno ministarstvo zdravstva da prilikom implementiranja Projekta jačanja zdravstvenog sektora vodi računa o ravnomjernoj raspodjeli sredstava sa posebnom pažnjom na općine koje su u proteklom periodu manje učestvovala u kreditnim sredstvima koja su plasirana u širenje mreže porodične medicine.

- 14. - Prijedlog Odluke o prihvatanju zaduženja po Sporazumu o zajmu između Bosne i Hercegovine i Saudijskog fonda za razvoj za realizaciju Projekta glavne gradske magistrale u Zenici**
- **Sporazum o zajmu između Bosne i Hercegovine i Saudijskog fonda za razvoj za Projekt glavne gradske magistrale u Zenici**
 - **Informacija o kreditu Saudijskog fonda za razvoj za Projekt glavne gradske magistrale u Zenici**

Prijedloge odluka utvrdila je Vlada Federacije i dostavila Parlamentu Federacije radi razmatranja i donošenja.

Predstavnički dom je na nastavku 2. sjednice, odžane 13.7.2011. godine, donio ovu odluku u tekstu predlagača.

Prijedlog Odluke razmatrala su nadležna radna tijela i dostavila izvještaje.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 36 glasova za, uz jedan glas protiv i uz četiri uzdržana glasa, donio Odluku o prihvatanju zaduženja po Sporazumu o zajmu između Bosne i Hercegovine i Saudijskog fonda za razvoj za realizaciju Projekta glavne gradske magistrale u Zenici.

15. Prijedlog Odluke o prihvaćanju kredita Unicredit Bank Austria AG za finansiranje Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje i Prijedlog Odluke o zaključivanju Supsidijarnog kreditnog sporazuma između Bosne i Hercegovine i Federacije BiH za kredit Unicredit Bank Austria AG za finansiranje Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje

Prijedloge odluka utvrdila je Vlada Federacije i dostavila Parlamentu Federacije radi razmatranja i donošenja.

Predstavnički dom je na nastavku 32. sjednice, održane 14.7.2010. godine, u prethodnom mandatu donio Odluku o odobravanju Odluke o prihvaćanju kredita Unicredit Bank Austria AG za finansiranje Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje i Prijedlog Odluke o zaključivanju Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Unicredit Bank Austria AG za finansiranje Projekta nabavke, instalacije, obuke i održavanja medicinske i nemedicinske opreme i usluga u Kantonalnoj bolnici Orašje.

Prijedloge odluka razmatrala su nadležna radna tijela i dostavila izvještaje.

U vezi sa ovom odlukom govorili su Ante Krajina, federalni ministar finansija, i Vedad Nezirčić, predstavnik Federalnog ministarstva finansija, koji je izjavio da se ona ne može donijeti jer je Predstavnički dom donio Odluku kojom je odobrio ovu odluku u prethodnom mandatu, a da se u međuvremenu izmijenio Zakon o dugu, zaduživanju i garancijama u Federaciji BiH koji sada predviđa da Parlament Federacije donosi odluku o zaduženju po kreditima međunarodnih organizacija. Također je rekao da skupštine Posavskog kantona i Bosanskopodrinjskog kantona - Goražde moraju provesti potrebnu proceduru kako bi se omogućilo zaduženje kako to predviđa Zakon o dugu, zaduživanju i garancijama u Federaciji BiH.

Razvila se diskusija u kojoj su učestvovali: Mijo Matanović, Radoje Vidović, predsjednik Kluba delegata hrvatskog naroda, Vesna Nemeć-Klisura, Hajrudin Bećirović, Izmir Hadžić, sekretar Doma naroda, Damir Čardžić, Dževad Radžo, Josip Perić, predsjednik Kluba delegata bošnjačkog naroda Amir Zukić, Nikola Simić, Elvira Abdić-Jelenović i Ivo Divković.

Nakon diskusije, predsjedavajuća je predložila da Dom naroda donese zaključak kojim bi se odgodilo izjašnjavanje o 15. i 16. tački dnevnog reda.

Sa 36 glasova za i uz dva uzdržana glasa, Dom naroda Parlamenta Federacije BiH usvojio je sljedeći:

ZAKLJUČAK

Odlaze se izjašnjenje o ovim prijedlozima odluka, a zadužuje se Vlada Federacije BiH da u roku od 30 dana u saradnji sa Kantonalnom skupštinom Posavskog kantona i sa Kantonalnom skupštinom Bosanskopodrinjskog kantona - Goražde nastavi potrebnu proceduru kako bi se mogle donijeti odgovarajuće odluke koje se tiču kreditiranja kantonalnih bolnica u Orašju i Goraždu.

17. Prijedlog Odluke o izmjeni i dopuni Odluke o osnivanju i imenovanju članova Vijeća nacionalnih manjina Federacije BiH

Prijedlog Odluke utvrdile su komisije za ljudska prava i slobode oba doma Parlamenta i dostavile je radi razmatranja i donošenja.

Predstavnički dom je na nastavku 2. sjednice, odžane 13.7.2011. godine, donio ovu odluku u tekstu predlagača.

Prijedlog Odluke razmatrala su nadležna radna tijela i dostavila izvještaje.

Prijedlog Odluke obrazložio je Mirko Batinić, predsjednik Komisije za ljudska prava i slobode Doma naroda.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, jednoglasno (39 glasova) donio Odluku o izmjeni i dopuni Odluke o osnivanju i imenovanju članova Vijeća nacionalnih manjina Federacije BiH kojom su za članove Vijeća iz reda Roma imenovani: **Šaban Mujić, Muradif Biberović, Mehmed Mujić, Mehmed Suljić, Dragiša Radić i Šemsi Supnaj.**

18. Prijedlog Strategije za izjednačavanje mogućnosti za osobe sa invaliditetom u Federaciji BiH 2011. - 2015. godina

Prijedlog Strategije utvrdila je Vlada Federacije i dostavila Parlamentu radi razmatranja i usvajanja.

Predstavnički dom je na nastavku 2. Sjednice, odžane 13.7.2011. godine usvojio Prijedlog Strategije za izjednačavanje mogućnosti za osobe sa invaliditetom u Federaciji BiH 2011. - 2015. godina.

Prijedlog Statgije razmatrala su nadležna radna tijela i dostavila izvještaje.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 37 glasova za i uz dva uzdržana glasa, usvojio Strategiju za izjednačavanje mogućnosti za osobe sa invaliditetom u Federaciji BiH 2011. - 2015. godina.

* * *

Sjednica je završena u 19 sati.

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAJUĆA

Karolina Pavlović